



XALQ DEPUTATLARI QO'SHRABOT TUMAN KENGASHI QARORI

140900, Qo'shrabot sh., G'afur G'ulom ko'chasi, 3-uy, tel: (0-366) 646-15-18, e-mail: qoshrabot.t@exat.uz

2022 - yil 30 - dekabr

VI-56-176-7-97-K/22

Qo'shrabot tuman hokimligi

Qo'shrabot tumanining 2023-yilgi mahalliy budjetini tasdiqlash to'g'risida

O'zbekiston Respublikasi "Mahalliy davlat hokimiyati to'g'risida"gi Qonunining 6 va 24-moddalari, Byudjet kodeksining 99-moddasi, "2023-yil uchun O'zbekiston Respublikasining Davlat byudjeti to'g'risida"gi Qonuniga hamda xalq deputatlari Samarqand viloyat Kengashining "Samarqand viloyatining 2023-yilgi mahalliy byudjetini tasdiqlash to'g'risida"gi qaroriga muvofiq xalq deputatlari tuman Kengashi V chaqiriq LVI sessiyasi

QAROR QILADI:

1. Qo'shrabot tumani mahalliy byudjetining 2023-yil uchun daromadlari 97 117 850.0 ming so'm, xarajatlari 184 823 860.0 ming so'm prognoz qilinganligi hamda viloyat byudjetidan ajratiladigan tartibga soluvchi byudjetlararo transfertlar 87 707 010.0 ming so'm miqdorida tasdiqlanganligi ma'lumot uchun qabul qilinsin.

2. Xalq deputatlari Samarqand viloyat Kengashi qaroriga asosan 2023-yilda:

a) Quyidagi soliq turlari tuman byudjetiga to'liqligicha o'tkazib beriladi:

- jismoniy shaxslardan olinadigan mol-mulk solig'i;
- jismoniy shaxslardan olinadigan yer solig'i;
- yakka tartibdagi tadbirkorlar uchun jismoniy shaxslardan olinadigan daromad solig'i;
- suv resurslaridan foydalanganlik uchun soliq, bundan elektr stansiyalari tomonidan to'lanadigan soliq mustasno;
- norudaqurilish materiallari bo'yicha yer qa'ridan foydalanganlik uchun soliq, bundan sement xom ashyosi va sement ishlab chiqarishda foydalaniladigan ohaktosh mustasno;

- yakuniy iste'molchilarga benzin, dizel yoqilg'isi va gaz realizatsiya qilishdagi aksiz solig'i 100 foiz miqdorida tuman byudjetiga;

- yuridik shaxslardan olinadigan mol-mulk solig'i 100 foiz miqdorida tuman byudjetiga;

- yuridik shaxslardan olinadigan yer solig'i 100 foiz miqdorida tuman byudjetiga;

- aylanmadan soliq 100 foiz miqdorida tuman byudjetiga;

- qonun hujjatlarida belgilangan miqdorlarda davlat aktivlarini ijaraga berish va xususiylashtirishdan tushadigan daromadlar 100 miqdorida tuman byudjetiga;

- qonun hujjatlarida belgilangan miqdorlarda O'zbekiston Respublikasi Davlat byudjetiga undiriladigan boshqa yig'imlar (bojxona yig'imlaridan tashqari) 100 foiz miqdorida tuman byudjetiga;

b) Quyidagi soliq turlari va boshqa to'lovlar viloyatning viloyat byudjeti hamda tuman mahalliy byudjeti o'rtasida taqsimlanadi:

- jismoniy shaxslardan olinadigan daromad solig'idan tushumlarning (jismoniy shaxslarning mol-mulkini ijaraga berishdan oladigan yillik daromadlari bo'yicha deklaratsiyaga asosan to'lanadigan hamda yakka tartibdagi tadbirkorlar tomonidan to'lanadigan daromad solig'idan tashqari) 55 foiz miqdorda tuman byudjetiga;

- yuridik shaxslardan olinadigan foyda solig'idan tushumlarning (O'zbekiston Respublikasi Prezidenti qarori bilan tasdiqlanadigan ro'xatga muvofiq yirik soliq to'lovchilar, O'zbekiston Respublikasida doimiy faoliyat olib boruvchi muassasa orqali faoliyat yurituvchi O'zbekiston Respublikasi norezidentlari tomonidan, shuningdek norezidentlarning to'lov manbayida ushlab qolinadigan daromadlaridan to'lanadigan foyda solig'idan tashqari) 60 foiz miqdorda tuman byudjetiga.

- mobil aloqa xizmati va alkogol mahsulotlari, shu jumladan, pivo uchun aksiz solig'idan tushumlar tegishli ravishda 2022-yil 1-iyul holatiga ko'ra, tuman aholisining viloyat aholisidagi ulushiga muvofiq o'tkazib berilishi ma'lumot uchun qabul qilinsin.

3. Quyidagilar:

2023-yil uchun tuman mahalliy byudjeti daromadlari prognozi 1-ilovaga muvofiq;

2023-yil uchun tuman mahalliy byudjetidan hududiy byudjet mablag'larini taqsimlovchilarga ajratiladigan mablag'larning cheklangan miqdorlari 2-ilovaga muvofiq tasdiqlansin.

4. 2023-yil uchun tuman mahalliy byudjeti zaxira jamg'armasi hajmlari 1 743 621.0 ming so'm miqdorida belgilansin.

5. Tuman mahalliy byudjetining 2023-yil uchun zaxira jamg'armasi tuman mahalliy byudjeti tasdiqlangan umumiy xarajatlarining kamida 1,0 foizi miqdorida shakllantirilsin.

6. 2022-yil uchun tumanning tuman byudjeti shaxsiy g'azna hisobvaraqlarida turgan byudjet mablag'larining yo'l qo'yiladigan eng kam miqdori 984 000.0 ming so'm etib belgilansin.

7. Tuman hokimining birinchi o'rinbosari (I.Sayfiddinov), tuman Moliya bo'limi (M.Tayirov), tuman Davlat soliq inspeksiyasi (Z.Djazilov) tuman hokimligi va mas'ul tashkilotlar bilan birgalikda:

- tegishli byudjetni birinchi navbatda ish haqi va unga tenglashtirilgan to'lovlar, oziq-ovqat va dori-darmon va kommunal xizmatlar xarajatlarining rejalashtirilishini nazarda tutgan holda shakllantirish;

- mahalliy byudjet prognoz ko'rsatkichlarni o'z vaqtida va samarali bajarish;

- byudjet mablag'laridan maqsadli va samarali foydalanish;

- byudjet intizomiga rioya etilishi ustidan nazorat va mas'uliyatni yanada kuchaytirish;

- tegishli mahalliy byudjetlarga soliqlar va boshqa majburiy to'lovlarning to'liq tushumini ta'minlash;

- byudjet daromadlar bazasini oshirish va qo'shimcha rezervlarni aniqlash zarurligiga alohida e'tibor qaratsin.

8. Tuman hokimining birinchi o'rinbosari (I.Sayfiddinov), xalq deputatlari tuman Kengashi kotibiyati (A.Ismoilov) tegishli tashkilotlar:

- byudjet daromadlari va xarajatlarining prognoz ko'rsatkichlari bajarilishini ta'minlash;

- soliq bazasini kengaytirish, iqtisodiy salohiyatni oshirish yuzasidan zarur chora-tadbirlar belgilash, byudjet mablag'laridan maqsadli va samarali foydalanish ustidan qat'iy nazoratni o'rnatish;

- tegishli ravishda hududiy byudjet mablag'lari taqsimlovchilarning byudjet mablag'laridan samarali foydalanilishi hamda erishilgan natijalar bo'yicha hisobotlarini xalq deputatlari viloyat, shahar va tumanlar Kengashlariga kiritib borilishini ta'minlasin.

9. Mazkur qaror ijrosini ta'minlash tuman hokimining birinchi o'rinbosari (I.Sayfiddinov) hamda tuman Moliya bo'limi (M.Tayirov)larga, bajarilishini nazorat qilish xalq deputatlari tuman Kengashining Mahalliy budjet, iqtisodiy islohotlarni amalga

oshirish, investitsiyalar va tadbirkorlikni rivojlantirish masalalari bo'yicha doimiy komissiyasi (B.Shukurov) zimmasiga yuklatilsin.

Sessiya raisi



D.Shakarboyev

Xalq deputatlari Qo'shrabot tuman
Kengashining
2022 yil 30 dekabrda
VI-56-176-7-97-K/22-son qaroriga
1-ilova

**Samarqand viloyati Qo'shrabot tumani mahalliy byudjeti daromadlarining 2023-
yildagi asosiy prognoz ko'rsatkichlari**

TR	Daromad turlari	Jami
	Jami daromadlar	97 116 850
1	Jismoniy shaxslardan olinadigan daromad solig'i	23 568 050
2	Yuridik shaxslardan olinadigan foyda solig'i	2 614 800
3	Jismoniy shaxslarning mol-mulkiga solinadigan soliq	3 850 000
4	Jismoniy shaxslardan olinadigan yer solig'i	4 804 000
5	Yakka tartibdagi tadbirkorlar uchun jismoniy shaxslardan olinadigan daromad solig'i	330 000
6	Suv resurslaridan foydalanganlik uchun soliq	2 182 000
7	Norudaqurilish materiallari bo'yicha yer qa'ridan foydalanganlik uchun soliq	880 000
8	Yuridik shaxslarning mol-mulkiga solinadigan soliq	23 285 000
9	Yuridik shaxslar yer solig'i	5 760 000
10	Yakuniy iste'molchilarga benzin, dizel yoqilg'isi va gaz realizatsiya qilishdagi aksiz solig'i	3 689 000
11	Korxonalar aylanmasidan soliq	3 146 000
12	Yig'imlar	612 000
13	Davlat mulki bo'yicha ijara to'lovlari	57 000
14	Alkogol mahsulotlari, shu jumladan, pivo	9 037 000
15	Mobil aloqa xizmati	3 877 000
16	Sigaret uchun aksiz solig'i	9 425 000

Xalq deputatlari Qo'shrabot tuman
Kengashining
2022 yil 30 dekabrda
VI-56-176-7-97-K/22-son qaroriga
2-ilova

2023 - yilda Samarqand viloyati Qo'shrabot tumani mahalliy byudjetidan byudjet mablag'larini taqsimlovchilarga ajratiladigan xarajatlarning umumiy miqdorlari

T/R	Ko'rsatkichlar	2023 yil
Qo 'shrabot tumani bo 'yicha xarajatlar miqdori, jami		184 823 860
1	Tuman Xalq ta'limi bo'limi	13 951 437
2	Tuman Maktabgacha ta'lim bo'limi	12 968 363
2	Tuman Tibbiyot birlashmasi	57 873 000
3	Tuman madaniyat bo'limi	2 807 533
4	Tuman jismoniy tarbiya va sport bo'limi	3 077 555
5	Tuman qishloq xo'jaligi bo'limi	1 112 881
6	Tuman veteranariya va chorvachilikni rivojlantirish bo'limi	1 418 250
7	Tuman bandlikka ko'maklashish markazi	828 765
8	Tuman hokimligi moliya bo'limi	1 375 475
9	Tuman hokimligi	78 568 215
10	O'zbekiston Respublikasi Prezidenti Administratsiyasi huzuridagi Qo'shrabot tuman Xalq qabulxonasi	601 288
11	Xalq deputatlari tuman Kengashi kotibiyati	184 715
12	Yoshlar ishlari agentligi Qo'shrabot tuman bo'limi	4 001 624
13	Tuman xotin-qizlar bo'limi	2 616 265
14	Tuman Mahalla va nuroniylarni qo'llab-quvvatlash bo'limi	3 438 494